



Tir Yimyim

www.tiryimyim.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimyim@gmail.com

TAPAK 3

Yangia anidakangma :



Tir Yimyim



tir_yimyim



tir yimyim

TAPAK 7

Menden lemsatsü matai Lalu-i
RJD ticket lemstsü tenzükogo

Cameroon opposition candidate
Tchiroma-i tir election akok



VOL. XXIII ISSUE NO. 08 (ADOK 08) DIMAPUR RASEMNÜ (WEDNESDAY) MONGPUTENI (OCTOBER) 15, 2025 ₹ 5.00

India-i meimchir anema inyakba nung kiralongrabadendaktsünür: MP Phangnon

Dimapur, October 14, 2025

(TYO): Meimchir anema inyakba teratet nung kiralongrartem aser parnok yarirtemi ozüing alema inyaksangshiba adentsüla ta BJP MP S. Phangnon Konyak-i United Nations nung ashi.

Hombarnü Nagaland nungi Rajya Sabha MP Phangnon-i General Assembly nung Legal Committee dang iba olen ashi.

"Ibala maparentem mangu meyutsütsüla aser temeten agütsütsüla" ta lai ashi. Legal Committee-i meimchir anema inyaksangshiba onük benoka jembidang Phangnon-i iba tebilemba lemsatép.

Meimchir anema inyaksangshiba noktangsü aser aibelenertem merenshitsu atema international convention ka tentetsü aliba nung kiralongraba dendaktsütsüla ta laisa metetdaksü.

Iba treaty ajanga legal systems temeyoktep agizüktsüla aser linük ka sovereignty

akhümtsübuttsüla. Meimchir temeten anema inyakba aser kin ka samatsütsü inyakba atema linüktem ket nung temeten agütsütsü tashi lir ta Phangnon-isa ashi.

Iba atema convention koba südir süang United Nations indang Charter aser international law den putepa asütsüla. Item ya medendra tang tebenshidak ozüing maparen den meputeptsü ta laisa shisem.

Iba draft ya International Law Commission aser General Assembly ajanga yaküm renem. Iba draft ajanga 2028 aser 2029 nung international meetings ayongzüka crimes against humanity atema treaty yanglutsü olemteptsü.

Iba draft ta International Criminal Court-i renemba Rome Statute ajanga ajungmeso aser India den Security Council permanent members aser linük aikati iba draft nung ashishiteper aser pusema menungiter ta Phangnon-isa ashi.

CM Rio-i tanü PDA senden jateper

Dimapur, October 14, 2025

(TYO): Chief Minister Dr. Neiphiu Rio-i October 15, 2025 nü People's Democratic Alliance (PDA) senden ka amentsü jatepogo.

Iba senden ya asüing nikongdang 4:00 ako nung Chief Minister's Residential Complex (CMRC), Kohima nung amentsü.

CM Rio-i tsüinglanglen agüja aliba PDA züingsemtem iba senden nung adentsü mepishia metetdaksüogo.

1. Y. Patton, Dy. Chief Minister and Leader of BJP Legislature Party.
2. Benjamin Yephthomi, President BJP, Nagaland.
3. Abu Metha, Secretary General of NDPP.
4. Rusemtong Longkumer, Sr. Vice President of NDPP.
5. Achumbemo, MLA and Secretary General of NPF.
6. Apong Pongener, President NPF.

Chümoukedima Village nung tenokdangbatem nenshir

Dimapur, October 14, 2025

(TYO): Chümoukedima Village telongtet nung shikariba, ango apuba aser süngdonglidong o shirurutem asoshi lendong bentsür aruba mapa ajak noktanga lir ta Chümoukedima Village Youth Society (CVYS)-i nenshiogo.

Chümoukedima Village telongtet nung nisung kari dang shikariba mesüra ibala mesükba mapa inyakba putetra Rs 1,00,000 tajemba ser senchi achitsü. Maneni yimtsüing telongtet nung prangpong bener senzüba noktanger aser shikaridang amshiba licensed firearms aputsü aser license cancellation atema shidi zülutsü. Ano unlicensed firearms, air rifles mesüra shikaridang amshiba osettem apuba tesem nungdang raksaa endoktsü ta CVYS-i ashi.

Kija mesüra telok kari dang morok mi adokdaksüra aser lipoküm raksatsüsa mapa inyakra

Rs 5, 00,000 mesüra teimba senchi achitsü aser ozüingi melaba ama mapa inyaktsü ta parnokisa ashi.

Old Chümoukedima Heritage Village (Highway Bypass) nung nikongdang 6:00 ako sülen trekkers, picnic groups, aser sightseers arutsü memelar. Raksarakbongba, public kiojen aser nüngshilungtem menenmechiba atema iba tenokdangba agütsür aser aibelenertem merenshitsu ta CVYS-isa metetdaksü.

Chümoukedima Village telongtet nung auyaba, drug ayokba aser public nem timtem agütsüba osangtem aliba ajanga aonung 8:00 ako sülen kuli tejangja makai senzusenbong mesüdaktsütsü. Youth volunteers-i nisungtem sota asüingdangyatsü tashi agütsüogo anungji nisungtemi CVYS volunteers den amaliteptsü mepishir ta CVYS-isa metetdaksü.

NPF-i PDA sorkar nung adener: NDPP den lokteptsü lenmang tesademba akümer



October 14, 2025 nü Chief Minister Rio aser Parliamentary Affairs and Power Minister K.G. Kenye nati taoba Chief Minister aser taoba NPF president Dr. Shürhozelie Liezietsu den ajurutepdang agiba noksa ka angur.

Kohima, October 14, 2025

(TYO): Chief Minister Neiphiu Rio-i aniba People's Democratic Alliance (PDA) nung Naga People's Front (NPF) denogo.

NPF Constitution nung Article V nung Clause 10 ajanga tashitem agütsüba nung ajemdaker Naga People's Front (NPF) President-i iba ozüing agütsür ta MLA & Secretary General, NPF Achumbemo Kikon-i sangdong ka nung ashi.

Iba ozüing ya October 14, 2025 anepdang nungi tenzüktsü ta Achumbemo Kikon-isa ashi.

NPF MLA anati PDA nem outside support agüja aru saka tang nungi sorkar nung shilem ka akümtsü ta pai ashi.

Nagaland nung tongtipang regional party ana- NDPP aser NPF ka küma lokteptsü atema inyaktepba mapang ka nung iba lemtet ka agiogo.

Chief Minister Rio den Parliamentary Affairs and Power Minister K.G. Kenye nati tanü regional tanishir tejen Dr. Shürhozelie Liezietsu den ajurutep. Dr. Shürhozelie ya taoba Chief Minister aser taoba NPF president lir.

"Ni Dr. Shürhozelie Liezietsu nem akhümtsüba agütsütsü aser kü political journey atema temoatsü meshitsü ajurutepogo. Pa shisatsü atema pelar aser pa nem anema aliba aser arishi talang moatsür" ta Dr. Rio-i ashi.

Iba senden ya putepshiba aser Nagaland nung regionalist sobaliba maneni benshiba ama repranger.

2002 nung Rio-i S.C. Jamir-i aniba Congress sorkar nung Home Minister menden toktsür NPF asentenshia tenzükka liasü aser 2003 state assembly elections sülen pai Chief Minister

inyak. Ajisüaka 2017 nung pai Dr. Shürhozelie Liezietsu-i NPF president inyakdang Rio-i NPF toktsür

Nationalist Democratic Progressive Party (NDPP) tenzük. Rio-i BJP den yaritepa 2018 state elections nung takok angu aser NPF-i kümsük asemen tashi atongtepa sorkar yimsü süa aruba anendaktsü.

Tang züingsem 60 agi akümba NLA nung NDPP MLA 32 lir aser NPF den lokteptsü atema general convention ka alitsü sentong metetdaksüogo. Nagaland assembly nung NPF MLA ana lir.

NDPP-i October 18 aser NPF-i October 21 nü Kohima nung general conventions alitsü metetdaksüogo. October 21 ya NPF indang 63 buba foundation day lir aser NPF convention ya party ana loktepba official merger asütsü.

Nagaland sorkar mapa inyakertemi lungkak aitba ajanga timtemer

Kohima, October 14, 2025

(TYO): Nagaland nung Joint Coordination Committee (JCC) ajanga state ajungalen anogo asem pen down strike ayongba ajanga sorkar office aika nung mapa inyakba nung timtem ajuruogo.

JCC nung Nagaland sorkar mapa inyaker tongti telok 5 dena lir. Parnokji Confederation of All Nagaland State Services Employees Association (CANSSEA), Nagaland In-Service Doctors Association (NIDA), Nagaland Secretariat Service Association (NSSA), Nagaland Finance and Accounts Service Association (NF&ASA), aser Federation of Nagaland State Engineering Service Association (FONSESA) lir.

Parnoki non-NCS officer ka IAS cadre nung anioktsü mapa

anema lungkak aiter.

State sorkari March 10 vacancy circular meyipa agiba sülen JCC-i lungkak aittsü tenzükka liasü. Employee associations-i sorkar dang 2001 aser 2016 Office Memorandums sülen anidaktsü aser Nagaland Public Service Commission-i open advertisement ajanga anioktsü takhangba agütsür.

"March 2025 nung sorkari vacancy circular ka agütsü aser applications atema anogo 15 züingzüktsü. Idangji nisung 11-i tenüing agütsü saka anogo 16 buba nung sorkari vacancy circular meyipa agi" ta CANSSEA president Zubemo Lotha Tsanglao-i ashi.

Sorkar mapa inyakertemi black badge aser poster campaigns agiaka sorkari olemtep alitsü metenzük. Sorkari

ola kecha madokba agi JCC-i Mongulbar nungi lungkak aitba shilem tasembuba tenzükogo.

District aser headquarters ajak nung sorkar mapa inyakertem office-ibo aoer saka meritocracy pusema aser Naga lanurtem tarutsü kümzüka ayutsü atema pen mamshir. Office balala nung "Meritocracy in IAS induction - not backdoor entry" ta banners yua lir ta JCC spokesperson-i ashi.

Onoki lungkak aitba shilem tasembuba tenzükaka sorkar nungi telangzüba kecha mali ta paisa ashi.

Osangbenertemi sorkar ketdangsürtem dang nungi osang jangjateptsü merangdang saka telangzüba kecha maliasü. Ajisüaka osang angazükba agi Bodbarnü State Cabinet senden ka mena iba tebilemtsü lemsateptsü.

Ritsala Thonger-i Miss Kohima 2025 korang ngutetogo



Kohima, Mongputeni/Oct. 14 (TYO): Mongulbarnü RCEMPA Jotsoma nung Miss Kohima 2025 tetoktepba aliba mapang Ritsala Thonger nem iba takok korang agütsüogo.

Iba sentong ya 4Front Event Managements ajanga ketdangsüa liasü aser Putuonuo

Hospital Kohima ajanga Miss Multimedia & bhusem aser Kohima Science Kechangunuo Kelio sub-title awards agüja liasü.

Ritsala Thonger-isa sub-title of Hearts aser Methasunu Miss Perfect 10 ngua liasü. Luho-i Miss Beautiful Smilse

Neilanuo Sachü nem First sub-titles ngua liasü. Runner-Up aser Kechangunuo Miss Kohima 2025 atema Kelio nem Runner-Up den nisung 16 toktepa liasü.

ADVERTISEMENT FOR RECRUITMENT IN 113 INFANTRY BATTALION (TA) RAJPUT			
SELECTION IN THE TERRITORIAL ARMY IS 'FAIR' AND 'TRANSPARENT' AND ON MERIT ONLY. AT NO STAGE ANY BRIBE IS TO BE PAID TO ANY ONE FOR SELECTION OR RECRUITMENT IN THE TERRITORIAL ARMY. CANDIDATE SHOULD NOT FALL PREY TO UNSCRUPULOUS PERSONS POSING AS RECRUITING AGENTS.			
1. The recruitment for 113 Inf Bn (TA) RAJPUT will be conducted with effect from 15 Nov to 01 Dec 2025.			
2. Vacancies for recruitment :-			
(a) Soldier (General Duty)	125		
(b) Soldier (Cik)	01		
(c) Soldier (Washerman)	02		
(d) Soldier (Hair Dresser)	01		
Total	129		
3. Area Wise schedule of recruitment is as under (Time 0500 hrs to 1000hrs) :-			
S No.	Date & Time	Domicile / Area of Recruitment	Location
1	15 Nov 2025	Nagaland & Andaman Nicobar Island	Bhagat Stadium, RMS/Dimapur, Nagaland
2	16 Nov 2025	06 x Dists of Manipur Imphal (East), Imphal (West), Thoubal, Kakching, Bishnupur & Jiribam	
3	17 Nov 2025	07 x Dists of Manipur Kamjong, Senapati, Ukhrul, Noney, Tamenglong, Kangpokpi & Chandel	
4	18 Nov 2025	03 x Dists of Manipur Churachandpur, Tengnoupal & Pherzawl.	
5	19 Nov 2025	Mizoram & Tripura	
6	20 Nov 2025	BTR (05 Dists) Kokrajhar, Udalguri, Tamulpur, Chirang & Baksa	
7	21 Nov 2025	Central and North Assam (09 Dists) East Karbi Anglong, Nagaon, Hojai, West Karbi Anglong, Dima Hasao, Morigaon, Biswanath, Sonitpur & Darrang	
8	22 Nov 2025	Lower Assam (06 Dists) Nalbari, Barpeta, Bajaj, Bongaigaon, Dhubri & South Salmara Mankachar.	
9	23 Nov 2025	Sunday	
10	24 Nov 2025	Barak Valley (03 Dists) Cachar, Hailakandi & Karimganj Lower Assam (03 Dists) Kamrup Metro, Kamrup & Goalpara	
11	25 Nov 2025	Upper Assam (09 Dists) Tinsukia, Dibrugarh, Dhemaji, Charaideo, Sivasagar, Lakhimpur, Majuli, Jorhat & Golaghat	
12	26 Nov 2025	Meghalaya & Arunachal Pradesh	
13	27 Nov 2025	West Bengal (09 Dists) Uttar Dinajpur, Dakshin Dinajpur, Malda, Birbhum, Murshidabad, Purba Bardhaman, Nadia, Purulia & Bankura	
14	28 Nov 2025	West Bengal (09 Dists) Hoogly, North 24 Parganas, Paschim Medinipur, Howrah, Kolkata, South 24 Parganas, Purbo Medinipur, Paschim Bardhaman & Jhargram	
15	29 Nov 2025	West Bengal (05 Dists) Darjeeling, Jalpaiguri, Cooch Behar, Kalimpong & Alipurduar & Sikkim	
16	30 Nov 2025	Sunday	
17	01 Dec 2025	One day reserve for documentation & medical of PFT passed candidates	
Note :- Medical examination of successful candidates of physical tests will be conducted simultaneously.			
4. Educational Qualification			
➤ Soldier (General Duty) :	Class 10th/ Matric pass with 45% marks in aggregate and 33% in each subject. For Boards following grading system Min of D Grade (33-40) in individual subjects of grade which contains 33% and overall aggregate of C2 grade or equivalent corresponding to 45% in aggregate.		
➤ Soldier (Clerk) :	10+2/ Intermediate Exam pass in any stream (Arts, Commerce, Science) with 60% marks in aggregate and minimum 50% in each subject. Securing 50% in English and Maths/ Accounts/ Book Keeping in Class 12th is mandatory.		
➤ Soldier (Tradesmen) : (All tradesmen except House Keeper & Mess Keeper)	Class 10th Pass with min 33% in each subject.		
➤ Soldier (Tradesmen) : (House Keeper & Mess Keeper)	Class 8th Pass with min 33% in each subject.		
5. Minimum Requirements :-			
➤ Age	18 to 42 years.		
➤ Weight	Minimum 50 Kg.		
➤ Height	160 cms (157 cms in case of Domicile of Eastern states & hill regions of West Bengal i.e. Darjeeling & Kalimpong districts).		
➤ Chest	82 cms (77 cms unexpanded).		
6. Relaxation in Physical Standards			
➤ Son of servicemen, Ex-servicemen, War widow & widow of Ex-Servicemen, adopted son / son-in-law of a War Widow, if she has no son.	Height	Weight	Chest
	02 cms	02 kgs	01 cms
➤ Outstanding sportsmen (International, National & State level)	03 cms	03 kgs	03 cms
7. Physical Fitness Test. Physical fitness tests will include - 01 Mile Run, Pull Ups, Balance & 09 Feet ditch. Besides passing physical tests, tradesmen (including clerk) will also have to pass their trade specific test.			
8. Documents Required :-			
➤ Birth certificate issued by Registrar of Births and Deaths or 10th Class Board certificate showing DOB.			
➤ Education certificate with marksheet including Board certificate in original.			
➤ Domicile certificate with photograph issued by Tehsildar/ District Magistrate.			
➤ 20 copies of good quality passport size coloured photographs.			
➤ PAN card and AADHAR Card.			
➤ Cast/ Tribe/ Community certificate affixed with photograph of the candidate issued by the Tehsildar/ Sub Divisional Magistrate/ District Magistrate.			
➤ Religion Certificate to be issued by the Tehsildar/ SDM (if religion as 'SIKH/ HINDU/ MUSLIM/ CHRISTIAN' is not mentioned in the caste certificate).			
➤ Character certificate with photograph issued by Village Sarpanch/ Municipal Corporation/ SHO/ Head of Educational Institute within last six months.			
➤ Married/ unmarried certificates issued by village sarpanch/ Municipal Corporation within last six months.			
➤ Relationship Certificate who are Son of Serving Solider/ Son of Ex Serviceman/ Sons of Widow/ Son of War Widow are required to produce relationship certificate issued by records office.			
• A declaration in Affidavit on Ten Rupees Non-Judicial Stamp paper prepared by the ESM duly signed by 1st Class/ Executive/ Judicial Magistrate.			
• Original Discharge Book of Ex-Servicemen with name and date of birth recorded in it.			
➤ Sports Certificates issued by National/ State Sports Authorities or Government bodies of particular sport. (International/ Senior/ Junior National/ Khelo India Games/ State level upto 4th position in team/ State school team)			
Notes:-			
1. Territorial Army, is purely voluntary organisation with part time commitment only and does not provide or promise any permanent employment nor guarantee about pension in future.			
2. The initial period of enrolment will be 07 (seven) years only.			
3. Authorities conducting rally will not be responsible for any accident/ injuries to the candidates during recruitment rally.			
4. Do not pay bribe and beware of touts.			
5. No TA/DA will be paid to the candidate during the Recruitment Rally. Candidates are requested to arrange for food/ lodging under own arrangement.			
6. Legal action will be taken against candidates providing false information or documents during Recruitment Rally.			
7. It at any point of time it is found that candidate is involved in unfair means, he will be taken out from Recruitment Rally.			
8. Mobile phones/ Smart watches meant for communication or photography will not be brought to rally site.			
For detailed instructions and formats of various certificates please refer employment news between 18 October to 01 November 2025			

SÜR KÜM KA AJUNGBA BILEMTETER



Asür P. AOLEMLA TZÜDIR

Temünungratsü jenti yutsür iba temeim kinungsü, adianutsür aser jala iba anogo taoba küm 2024 onok toktsür ao, la onok molungjang aser shisatsü nung teti dena lir, anogo shia mamateti bilemteter.

~Temeim Kinungbo, adianu aser kinungertem.

Assam Rifles-i state nung sentong balala ayongzük



Dimapur, Mongputeni/Oct. 14 (TYO): Assam Rifles temi Nagaland tsütsü Peren district aser Manipur tsütsü Tamenglong district anasa aliba Kendung yimtsüng semdanga liasü.

Yimtsüng nung taintem, lanurtem aser tanurtem den sensaksema nüburtem den tesendaktep akangshitsü nükjiding nung Assam Rifles temi iba yimtsüng semdanga liasü.

Iba mapang Assam Rifles temi yimdaklir aser talisa lanurtem dang saisapong nung shilem agitsü aser meranga azüngtsü ajungmesoa liasü.

Ano Assam Rifles temi NIEDO aser Axis Bank den lungjemer Hav Mering Ao, SC (Retd) Centre of Excellence and Wellness lapoktsü atema Lt Gen Vikas Lakhera, AVSM, SM, Director General Assam Rifles ajanga October 14, 2025 nü Mokokchung semdang.

Iba sentong ya Town Hall, Mokokchung nung agi, koba Assam Rifles temi shisaluyim, skill development aser wellness sentong balala ajanga Nagaland nung nüburtem aser lanurtem maneni ajungkettsü merangba nung tongtipang alizüng ka liasü.

Iba sentong nung District Administration, police, Assam Rifles, CSOs, Ex-servicemen aser Mokokchung district nung kakat reju balala nungi kakatshirtem densema nisung 800 jungnüa dena liasü.

Hav Mering Ao, SC (Retd)-

i bendanga agütsür linük tenzüka indang Director General-i tenüngsang agüja jembi aser Assam Rifles-i lanurtem nem shisaliok agütsüba, yimya tajung sayuba aser takum nung terenlok maparen balala maneni inyaktüsü ta ashi.

Competitive examinations, personality development aser skill enhancement nung kakatshirtem dang lenmang sayutsü atema iba Centre of Excellence and Wellness ya lapoka liasü.

Assam Rifles temi ano "Ek Paed Maa Ke Naam" omen nung ajemdaker Meluri aser Phek district nung süngdong atemba ayongzüka liasü.

Phek, Avangkhu, New Thewati, Ziphu, Meluri aser Akhen nung parnoki süngdong 2089 tema liasü, kong nüburtemia shilem agi. Region nung lipajen wazüka ayutsü nükjiding nung iba sentong ya ayongzüka liasü.

Maneni Director General Assam Rifles, Lt Gen Vikas Lakhera, AVSM, SM ajanga October 14, 2025 nü Medziphema aser Chieswema nung National Integrity and Educational Development Organisation (NIEDO) Centre semdanga liasü.

Kakatshirtem den sensaksema ajungmesotsü nükjiding nung pai item reju ya semdang, kong kakatshir aser tesayur 103 den sensaksema liasü.



TIR YIMYIM YIMOBILEM (EDITORIAL)

DIMAPUR WEDNESDAY, OCTOBER (MONGPUTENI) 15, 2025

Tetemsür shimtettsüla

Lokti aser yimten nung ozü nisung, par nisung ta mali tetemsü nisung shimtetta ajanga lokti aser yimtenji tashi aiter. Kasaji, yimten aser lokti mapa nung shitak mapa koka inyakterem reprangteta tenünsang sempet konang agüja ajungshiba agi, tenzükertema anibelem ajak amadoka pelar aser ano mapa nung temulung tagütsüba aser tenendakba inyaker. Ajisüaka, aiben lokti aser yimten nung lenirtemi mapa koka inyaker tetemsü nisung repranga masü saka pei nisung mesüra pei party-pur jak repranga konang nünsanga agütsür aser mapa nunga tangar tajung aser tetemsü purtem ajak ajazüka toktsür temaba mendeni tudaktsür. Iba jagi yimten aser lokti mapa nung temulung agüja inyaker tezüdangdaktsür. Tatishitsü agi, school ka nung kenüa mati kanga temulung agüja inyaker aser junga sayur tesayurtem toktsür, kangabo temulung agüja mesayur tesayur-ang ka shimteta yimten aser loktii konang nünsang agütsüra, iba jagi tesayur tajungpurtem tezüdangdaktsütsü aser temulung nungbo tanurtem dang lesson-a junga mesayunüi aittsü. Iba amaji government nunga jungjunga zünger 'competitive' tatidang ajanga mapai aiterem toktsür, kecha tatidang magii züba-zübaa aser melaa-melaa, tenungiter aser teyarir tajung aliba agi mesüra tia ajungba agi mapai aiterem rongnungiang shimteta konang nünsanga aser ketdangsüba mendena tajungba agütsüra, atangji, iba jagi jungjunga zünger ano tangar den toktepa tatidang agütsür mapai aiterem tezüdangdaktsür. Tanü Nagaland nung state government mapa inyakterem Confederation of Nagaland State Services Employees Association (CANSSEA) teloki anir yashi nungi office nung mapa meinyaki longkak aita amungtsü tenzükbaji, tetemsürtem yutsür metemsüba purtem nem parnok ajateta atutsüsa IAS jenjang agütsütsü state government tebilemba aliba anema longkak aittsü ayongzüka sentong ka lir ta angateter. Atangji, aji shitak aser iba tangatetba nungji nisung ajaki pu asemtsüla. Ajisüaka, tang tashi government-i par kilirtem taginüba ola mangashi aser memetet amai toktsübaji, ashiko, government nung alirtemjia tawadakdak kuli tajung karbo alitsüa akok. Item kulitem rongnungji state service nung alirtem rongnung reprangdang tetemsüba purtem nem IAS jenjang agütsübaji tang mezüng masü saka akhidang nungi inyaka aruba inyakyim ka lir aser tamalen state service nung inyaka alirtem nem IAS jenjang agütsürtem rongnungji 'competitive' tatidang majangi shimba rogotema liasü südi. Ibaji tanatsü ser, kechiba tangbo 'competitive' tatidang ajanga mapai aiterem nem dang agütsütsü (?) ta bilemer asütsüa akok. Ajia tim. Ajisüaka, tamalen meshitaki aruba inyakyim aser mapatemji shitak kümtsür ano maneni inyaka ao nungbo, Nagaland government ama mapa nungbo, shitak dangbo meshitak tuluba aser tetemsürtem dangbo metemsür teimba kümadoktsü. Aji oda, tesüiba mapatem nung kechisa metokmeperi aser meshitak inyakogo, item meshitakba mapatemji tang ama tangatetba kati arudang metongshitsüla aser akok tashi kechi shitak aser kechi tim, itemji agizükteta aotsüla. Ibajang asen lima yimten yanglushiba mapa aser mapang ka asütsü. Aji oda, UPSC aser NPSC ama tatidang nung takok angur ketdangsertem teküpbok jenjang toktsür, UPSC aser NPSC tatidang majangi arurtem nemang temaba jenjang agütsür anidaktsüra, atangji, ajibo competitive tatidang ajanga mapai aiterem asoshi mezüngmeshi mapa tuluka asütsü. Iba jagi, parnokia tawak marem item tatidang majangi government mapai aiterem dangji tezülen 'backdoor' nungi aiterem ta ajar südi. Atangji, tashitemetet aser mapa nungbo, ajak kasa masüji, tezülen nungi aiteremjia tajunga alitsü, saka tatidang majangi tezülen nungi aiterem nem jenjang tajungba aser temaba agütsüba jagi government mapai aitsü atema tatidang agütsüba mapaji tetezü maka kümduktsür. Atangji, election nung matok ser tatokertem den toktepa cabinet minister jenjang agütsür mendaktsüra aser 'competitive' tatidang kecha majang ser Commissioner & Secretary menden tashi tudaktsüra, tetemsür masü pei ajung asaa taginertem shimba yimten kümadoker. Ibajibosa melenshitsüla.

OLEMSABANG

ABAM NUNG MELENSHITSÜ REPRANGTETBA ANA

~ Nuklu Longkümer, Dimapur

2024 Tiriyimiyim nung ocet ka "ABAM Komiti aser Board balala nung asenok toklang tenzüker (Clergy) kangasa majority anungji iba shimba yimya ya melenshitsüla ta asüba züngogo. Iba sulen ABAM 2024 küm tatem Mongdang lemtet reprangdang nung kecha temelenshi mali, kasa yimya subaba nung lim arogo nung netsüng (lay) tajungtembo züngshia maliba ama arogo netsüngtem nungi noklang shilem nung 19% aser toklang tenzüker (Clergy) nungi 81% shimba angur(teküpoklen agüja aliba chart nungji reprangang). 2024 ABAM lemtet nung Komiti aser Board balala nung züngsem ajak agi 250 lir. ABAM lim arogo netsüng 1,34,502 nungi netsüng 49 (19%) ABAM lenisuba nung aniokbaji kangasa arogo netsüngtem senzuka toktsüba lir. Taoba ocet nung ABAM Nungtet Komiti inyakyim melenshitsüla aser koda inyaktsü yangji kü tangatetba shia liasü. Tang ABAM inyakyimji küm tatem mungdang nung delegation balala aser Board/Komiti balala atema Nungtet Komiti ka mungdang mapang shimmer aser item jagi renema bener aruba telok dang zünga shia ibaji agizüka ayur. Takotet pastortem Nungtet komiti nungji shimaka komiti jagi Mungdang mapang ghonta ka meeting nung Ao Arogo 170 nung tapet nisung kudasür angutsü? Saka telong nungbo inyakyim balaka agisa inyaka aru. Nia Impur nung küm 5 tenzüka alidang kodang küm tatem mungdang arur idangji ABAM nung tekolakbai onok staff dang "itemi Komiti balala nung shimtsü lir anungji tapet nisung bushia bener arua kü nem agüjang" tasa shia liasü aser küm shia yamaji inyak. Saka Impur centre nung nung alirtemi lim arogo nung toklang tenzükertem metetba tang ashi lim arogo nung netsüng tajung aser teyakyak tamangertemjibo metetjema mali nung arogo netsüngtem nungibo kar kar dang tenung agütsütet.

Kodang ABAM centre staff ajanga shimdir yamai tang toklang tenzükertemji tang shima aotsü aser lim arogo netsüngi mungdang mapa nung shilem agitsü mengui tezü danga atoktsü. Anungji yamai inyak nung ajungtsü ta lemsateper.

1. ABAM nung Nungtet Komiti (Nominating Committee) ya tanga Standing Komiti ka ama alitsüla. Zone ajak nungi tapet züngsem shima parnoka küm tatem mungdang matongtang anabenbo meeting mener ibaji Sanen Luden dangi bener arura iba nungji tajung ka atoktsü ta bilemer. Netsüng nungi ABAM standing komiti nung 50% bo alitsüla.
2. Ano ABAM President ya arogo netsüng nungi asütsüla. Executive Secretary-ji teti Lai puti meteter kasa alitsü anungji Presidentji netsüng (Lay) nungi agira iba jagi liro medema aotsü aser ABAM tashi taitba akümtsü.
3. Agüja aliba tebilemtsü ana ya melenshia aotsü atema ABAM Secretary level nung jembir Sanen Luden dangi abentsüla mesura local arogo kari Sanen Luden dangi agenda bona melenshia aotsüla.

ABAM nung Komiti balala, 2024 ABAM lemtet nung yamai angutsü:

Board & Komiti tenung	Total number	Number of Clergy	Number of Laity
1. ABAM Mendenpurtem	02	02	00
2. Sanen Komiti	34	29	05
3. Finance & Property	15	09	06
4. Mission Board	18	18	00
5. Education & Literature	14	11	03
6. ABTM Women Board	18	17	01
7. ABAM Youth Board	18	18	00
8. Resource Development	12	08	04
9. Theological Board	07	07	00
10. Social Concern	15	13	02
11. C.T.C Board of Governor	19	14	05
12. CMHSS Managing Board	11	07	04
13. VTPC Komiti	13	07	06
14. Mitkar	06	06	00
15. ABTM Girls Hostel	07	02	05
16. Church Advisory Board	10	10	00
17. Christian Edu. Komiti	11	11	00
18. Music Komiti	07	04	03
19. IBS Board of Governors	12	10	02
20. ABAM Auditors	03	00	03
Total number	250	201(81%)	49 (19 %)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Jaguars star Travis Hunter aser Olympic gold medalist Noah Lyles bapti



Travis Hunter (abelen) aser Noah Lyles.

Jacksonville, Mongputeni/ Oct. 14 (Agencies): Jacksonville Jaguars rookie Travis Hunter aser Olympic gold medalist Noah Lyles nati Yisu Khrista dangi temulung meyipba yimjak nung sangdongogo.

Athletes anaprong tanüla tsütsü tongtipang mera agia tzü nung baptiogo - koba ajanga parnok takum tejen aser temenen Khrista-i alangzükogo ta sangdongba alitsü.

Jaguars ya Seattle Seahawks den asayatsü lia Hunter ya Deobarnü bapti.

Jacksonville, Florida nung aliba Celebration Church nung Travis Hunter baptiba video ya online nung kanga sashia prokshiogo.

"Tanep kü indang gari sapi mongutet aser menur sentepi ao, saka Jacksonville Jaguars Travis Hunter baptiba ajuru. Pa dang tanü asaya masüandang baptitsü ashi. Iba asangur takum nung kongshiba atema Yisu dang kanga pelar!" ta iba video tangokla Kristine Love-i Instagram nung ashi.

American football nung 'wide receiver' aser 'defensive cornerback' Travis-i baptitsü ya ajungbena lemtetba masü saka mapang talangka nungi bilema aliba ka lir ta ashi.

"Ibai Deobarnü. Ibai Tsüngrem indang anogo. Minute ka atema oa baptitsü

sentong liasü. Nisung tajungba akumtsü asoshi kü takum melenshi," ta Hunter-i ESPN dang ashi.

"Ibai ni atema temoatsü tulu. Ni nisung tajungba akumer aser taküm tejenba yutsür chapter tasen tenzüker."

Arishi küm 22 tain Travis Hunter ya Jackson State University aser University of Colorado Boulder nung alidanga Deion Sanders densema tamangba tsütsü teyarir liasü.

Deobar aonung Jaguars-i Seahawks madak takok mongutetaka aser Hunter-i alakteta mesayatetaka, pai "sempet tuluba" ka anguba asoshi fans temi tenünsang agütsür.

"Football dang Tsüngrem tuluba. Pai takum nung aji ajangzükogo," ta Instagram amshir kati video lemsatepba nung ashi.

Maneni USA Track and Field Olympic nung asemteper Noah Lyles aser pa tetong Junelle Bromfield nata September ita tatemlen külemi baptia liasü.

Tena ya taoba küm October ita engage süogo aser Khrista dak amangba yimjak nung jembia liasü aser Orlando, Florida nung aliba Alive Church nung bapti.

Asemteperi tena baptiba indang video ya Instagram post ka nung lemsatepa liasü. Iba

video den külemi Yihusua 24:15 lemsatep, kong "Aser Kibuba tenzüksü nenoki memulungra nenoki shiba tenzüksü tanüsa shimtetang. Saka ni aser ozü kibongibo, onoki Kibubaji tenzüksü," ta shia lir.

Lyles ya küm ishika Tsüngrem dak amangba indang rakpoka jembia arur.

2024 Paris Olympics nung 100m sprint atema gold medal anguba sülen pai Premier Christian Radio dang saisapong nung timtem tali ajuruba ajanga Tsüngrem den pa tesendaktep tajungba akumer ta shia liasü.

"Ni teti jembia arur, saka iba yagi ni shisabului mayir. Round shia takok anguba atema ni Tsüngrem dang anogoshi tenünsang agütsür. Tekolok shisatsü nunga aser temang nunga anema yutsür."

Pai maneni asemtsü atema Tsüngremi temulungtetba agütsür, ta pai ashi.

"Tsüngrem, nai shidakba kü nem iba ya inyakdaksünera kü dang sayuang. Pai lenmang sayu aser 'Ni nüdak kodanga temulung melemi malitsü' ta ashi," ta Lyles-i ashi.

World Champion tiben bona alisang aser Olympic gold medalist Lyles ya tesüsa Tokyo World Championships nung toktepa liasü. Pai Instagram nung noksa balala lemsatepba nung pai Tsüngrem tenüng asangba den liasü.

Oset aibelena agütsüba nung pastor-i mapa tajung inyak

Colorado, Mongputeni/ Oct. 14 (Agencies): Taoba hopta tatemlen Castle Rock, Colorado nung pastor kati pizza meshiba tetsür kati chiyongtsü tai bener aruba sülen tesüngmangtsü atalok.

Chiyongtsü aibelena bener arutsüba atema nisung karibo tezü tanga mesüra ain adoka lila, saka Pastor Neal Seiwert-ibo yamaji meiyak. Pai chiyongtsü bvener arutsüla Suzanna dang temeim ang sayua liasü.

Iba tatalokba ya Ring footage (kishi nung inoka aliba camera) nung tangoka social media nung prokshi.

"Ni tatok meshir; Ni tain akumer," ta Suzanna-i shia Seiwert'er kishizüngi aru. "Ni

57 angu. Nü indang order ya 67. Anungji 57, 67; Ni aibeleno. Ni tatok meshir."

Pastor-i la dang shisabulu masütsü ashi aser temeim ang sayu.

"Onoki na meimer aser Yisu-i na meimer. Aser na ammann tajung asütsü imlatsür," ta Seiwert-i ashi.

"Second ka atema tejashi," ta paisa ashi.

Seiwert-i Suzanna dang Yisu meteta ali asü mali ta asüngdang, aser lai meteta lir saka la timtem balala ajurua lir ta langzü. Pastor aser par kibong ajunga temai adoka Suzanna tapubang nung teka agi kongshia la atema sarasademtsü.

Suzanna ya tetsü arishi

küm 82 tain anepalur aser timtem jenti ajurur ta parnoki angazük.

Anungji parnoki Suzanna yaritsü atema GoFundMe fundraiser tenzüker aser temeimer temi sen \$34,000 dak tema bendentsüogo.

"Pei takum dang dangar mezüng südaktsüba nisungtem rongnung Suzanna ya ka lir," ta iba page nung zülua lir.

"La ya arishi küm 82 tain tetsü anepalur ka lir, anogoshi nüngdakba, medical nüngdakba aser nüngdak balala anepalur. Küm aika lai dangar anepakuba nung mapang, temeim aser tashi agütsü, aiben la nüngdakba yutsür inyak. Tang asenoki la anepalutsü mapang lir," ta shia lir.

ANOGO ABEN TSÜNGREM DEN

Ammang tesangwa

Ne mulungjangi ne tangatetba bentettsür. Temulung merangra tenarongi ariena dang angashitsü, aser tenük nemaa kümdaktsür.

Temeneni tenük ramia kümdaktsür aser angur ama bilemba jagi tenük tapok kümdaktsür. Ne dak aliba tesangwaji ammann asü tesangwa? Asenoki angur ama bilema ammann chir küma alir. Asenoki anepdangji Tsüngremi agütsüba anepdang tajung ta bilemer aser ajiang! Tai tamajungbai raksatsüba mapang ka kümdaktsür. Pai monü telong agütsür aser aji asenoki anepdang petinu ama bilema agizüker.

Saka ajak asoshi teimla ka lir. Tenük tapok asütsü akok saka shirnoki pei sasa Yisu tsüngdang ajemalur parnok asoshi teimla lir. Ibai kü sarasadem südi, "o Kibuba, kü mim aibelen nungi ni merüktetjang." Kü sasa ashioktsüba nungi ni kümzükerang, kotak sangwa aser molumi sangwa bendangtetsü tangatetba shisatsü kü nem kua. Aser maneni ni ya shidakjang, "Kibuba, ni nguner."

Police dang Kerala nung Catholic school ka kumzüka ayutsü tuyu

Cochin, Mongputeni/Oct. 14

(Agencies): India south tsütsü Kerala state nung aliba High Court ajanga police dang Catholic school ka kumzüka ayutsü tuyu, kong hijab agia aliba Muslim nunger kaketshir class nung medendaktsü ta tai tongloksüba sülen iba obendang ya agütsü.

1998 nungi Diocese of Cochin kübok Augustinian Sisters of the Most Holy Annunciation ajanga lapoka aliba St. Rita's Public School nungi petition ka agütsüba sülen Justice N. Nagaresh-i iba totuyuba ya October 13 nü agütsü.

October 10 nü nisung telok ka campus telungi aita Muslim kaketshirtem hijab (tekolak aser tejak nembangba sü) agir class nung mendaktsütsü akhangba sülen school-i police dang teyari meshia liasü.

"Onoki petition agütsüba nung court-i kanga kera telangzüba agüja police dang school kumzüka ayutsü totuyuba agütsüba atema onok pelar," ta school principal Sister Helena Alby-i ashi.

Tanur indang tsürabortem aser tesayurtemi tsüboa bilemba sülen school ya October 13 aser 14 nü shibang ta lai ashi. "Nisung kar October 10 nü school telungi nungpoka aita rongrongshirong adok," ta lai ashi.

Sister Alby-i shiba agi school nung uniform dress code amshir, koba ajanga tamangba yimsü dak sendakba aben-süoshi agiba nokdanger. Kaketshir ya June ita admission agiba mapang la

aser lar tsürabor temi item ozüng mulunga agizük, ta lai ashi.

Ajisüaka October ita tenzüker mezüng hopta kaketshir ya hijab agir school-i asemben aru aser iba shia school ketdangsüri la dang school indang dress code sülen anidaktsü ashi.

"Lar tsürabor temia school temzüng nung anidaktsü mulung, saka yangi alir kari maneni iba ken o nungshi," ta nun-i ashi.

School indang tsürabor aser tesayur temi tentetba association tir Joshy Kaithavalappil-ia school administration bhukuma ashi.

"Muslim nunger 117 densema yangi kaketshir 450 shi lir. September ita tashi kaketshir temi uniform ozüng shidak amshia aru. Kaketshir kati dang aji anema nokdaknü. Extremist elements kar dena alitsü ama temulung malemer, kechiaser longkak aiter ya timba yangi alirtem masü," ta ashi.

Kerala Education Minister V. Sivankutty-ia, "Kaketshir ajungai school uniform sülen anidaktsüla," ta ashi.

Kothamangalam Diocese ajanga ketdangsüba Nirmala College nunga 2024 küm July ita iba mesük mangatettep adoka liasü, kong Muslim kaketshirtem campus nung sarasade, (namaz) mesüdaktsüba atema longkak aita liasü.

Kerala nütsüng yongsük million 33 shi aliba nung Muslim nungi shilem 26 shi lir, kong Khristanpur shilem 18 aser Hindu nunger shilem 54 lir.

AO OSHI ANGAZÜKDAK:**TANÜ ANGAZÜKTSÜBA OJANG**

Tir Yimyim

Toklok

(v) oset kar nisung dak enoktsüba (throw something at someone)

* Samaro nisung kari Tajungba dak anak tokloktsü.

Tokojung

(n) tekolak tiyong nung temejujket (crown of head)

* Takojung ana adenerbo samaro akümer ta takzür.

OLONG PAITEP # 7300

1		2		3		4	5			
				6						7
		8								
9				10		11				
			12					13		
						14				
16						17				

TIPIEN

1. Nisung jenti - (5)
4. Tsük rudenba - (5)
6. Temzüng tesashi - (5)
8. S ___ i - (3)
9. Nisung telemsa - (3)
10. Anogoshi - (4)
12. Ajanga aor - (4)
13. Tsük rizüngdak - (3)
14. Tebang nungi adokba - (3)
16. Süngdong tatembangtiba - (5)
17. Meputep - (5)

LANGTSÜNGLEN

1. Tenük telong - (9)
2. Committee dang ajar - (5)
3. Yagi ki okdoker - (7)
5. Yim lenmang - (5)
7. Temoatsü keter meyipa aruba - (9)
11. Kanga junga menemba - (7)
12. Majinü - (5)
13. Tzüma nung senzüba - (5)

OLONG PAITEP # 7298 TELANGZÜBA**TIPIEN:**

2. Bangsemo, 6. Tiptem, 8. Jen,
9. Talila, 11. Aren, 12. Tzübo, 14. Alia,
16. Angati, 17. Odi, 18. Azü,
19. Sünglang.

LANGTSÜNGLEN:

1. Yipten, 3. Nüja, 4. Sangro,
5. Milen, 7. Tulu, 10. Laza,
11. Aben, 12. Tiyong, 13. Ajizük,
14. Aitsü, 15. Tasa, 16. Aina.

NAI-A YA METETTER

India nunger Manish Dhameja ket nung valid credit cards 1,638 aser iba atema Guinness World Record ka nguogo. Manish-i credit cards ya maximize reward points, cashback, travel benefits, aser hotel privileges atema amshir aser sentsüh kecha mali. Manish indang educational background nung BCA in Physics, Chemistry, Mathematics from CSJM University, Kanpur, MCA from Integral University, Lucknow, aser Master of Social Work from IGNOU Iir.

Tanur asoba anogo nung salem osang den noksa angati adokdaksünüra - Tenüing, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimym@gmail.com nung yokang mesüra Tir Yimyim bureau tem nung agüjang.

Mr Deaf India-i Manipur Governor den ajurutep

Imphal, October 14, 2025 (Agencies): Mr. Deaf India 2025 Veihriilo Lanah-i October 14, 2025 nü Manipur Governor Ajay Kumar Bhalla den ajurutepogo.

Raj Bhavan, Imphal nung Lanah-i Governor Bhalla den ajurutepdang Mr. Deaf International Contest nung toktepdang yaritsü asüngdang.

November 28 nungi December 8, 2025 tashi Genoa, Italy nung Mr. Deaf

International Contest alitsü aser idangji Lanah-i India tenüing nung shilem agitsü.

Governor Bhalla-i Lanah nem naroküm tulu anguba atema tenüingsang agütsü aser pai persons with disabilities tashi itdaksütsü atema bendanga agüja inyakba atema tushi.

Lanah-i Mr. Deaf International Contest nung shilem agiba Manipur atema dang masü saka India atema konang bentsür arutsü ta

Governor-isa ashi.

Veihriilou Lanah from Manipur, was the winner of the Mr. Deaf India 2025 title. He was crowned at the 12th edition of the national pageant held in Punjab from August 30-31, 2025.

Manipur nungi Veihriilou Lanah-i Mr. Deaf India 2025 naroküm angu. August 30-31, 2025 anogotem Punjab nung 12 buba Mr. Deaf India alidang pai iba takok tulu angu.

5 buba BTC executive council nung züingsem 12 aniok

Guwahati, October 14, 2025 (Agencies): 5 buba Bodoland Territorial Council (BTC) Executive Council nung Executive Members (EMs) 12 tashi tezüingzüktep agiogo.

October 14, 2025 nü Kokrajhar nung aliba BTC Legislative Assembly premises nung iba sentong agi.

Assam Governor-i mulunga agizükba sülen Additional Chief Secretary, Government of Assam Mukesh Kumar Sahu-i EM nem tezüingzüktep agidaksü.

BTC nung tang mezüing atema Executive Council nung tetsür züingsem ana aniokogo.

Iba ajanga Bodoland Territorial Region (BTR) nung tetsürtem nem shilem agidaksüba sayur.

Executive Members aser parnok portfolios

Mrityunjy Narzary - Transport, Munmun Brahma - Urban Development, Robiram Narzary - Education, Derhasat Basumatary - Health and Family Welfare, Prakash Basumatary - Social Welfare, Paniram Brahma - Forest and Wildlife, Dhiraj Borgoyari - Soil Conservation and Legal Metrology, Begum Akhtara Ahmed - Public Health Engineering (PHE), Agustis

Tigga - Animal Husbandry and Veterinary, Ganesh Kachari - Irrigation, Loumshrao Daimary - Land Revenue and Disaster Management aser Fresh Mushahary - Water Resources.

Iba sentong nung BTC Chief Executive Hagrama Mohilary, Assam Cabinet Minister Jayanta Malla Baruah, BTC Legislative Assembly Speaker Tridip Daimary, aser Deputy Chief Executive Member Rihon Daimary nunger aden.

Tawa BTC elections nung Bodoland People's Front (BPF)-i menden 28 nung takok angu aser parnoki dang sorkar aküm.

Imphal West nung tantsür ka tepsetba atema lungkak aiter

Imphal, October 14, 2025 (Agencies): October 14, 2025 nü Moirangkhom, Imphal West nung Dr Angom Rita Devi atema temeten meshia lungkak aitogo.

Arishi küm 67 tain retired physiotherapist Dr Angom ya Hombar nikongdang Yaiskul Chingakham Leirak nung lar kidang taitsün keta sür lia angu.

La asüba anema United Club of Yaiskul aser Yaiskul Apunba Meira Lup külemi longjemer lungkak ait.

"La ya tepset liasü aser iba ajanga iba tesem nung alirtem taoksa aser tetsübu tia ka nung lir. Sorkari aibelenertem ozüing tesashi agi merenshitsüla aser tarutsü nung mataloktsüsa mapa inyaksüla" ta Memtombi Moirangthem-i ashi.

Dr Rita indang mang ya tekolak nung zübo aika keter angu aser anameta azü jenshia liasü. Iba lendong atalokdang la kija dang liasü aser la kinungbo o jabaso na kidang maliasü ta police-i ashi.

Yaiskul nung tetsür teloktemi iba tatalokba khukhua aitsüogo aser police dang jungjunga bushisüngdang temeten agütsütsü ayongzüker.

**GOVERNMENT OF NAGALAND
DIRECTORATE OF HEALTH & FAMILY WELFARE
NAGALAND: KOHIMA**

NO.DHFW-5/STIPEND/PT-I/2025

Dated, Kohima the th Oct.2025

NOTIFICATION

SUB: SCHOLARSHIP SCHEME FOR MBBS & ALLIED COURSES, STUDENTS UNDER THE DEPARTMENT OF HEALTH & FAMILY WELFARE

It is hereby informed to all the students undergoing medical, nursing and paramedical courses that, the Common Scholarship Portal for scholarship schemes under the department of Health & Family Welfare will go live (active)w.e.f15th Oct.2025 till 20thNov.2025.

The following points may be noted in this connection:-

Applicants can access the said portal through the URL: <https://scholarship.nagaland.gov.in>

The Department will accept application through the above cited portal (online) only. Application submitted in Hardcopy to the Directorate will not be entertained and shall be considered as not applied.

1. Students & Institutions are instructed to go through the guidelines given in the portal before proceeding to fill up the online form.
2. Students selected throughNEET/NSEE State Department Examination only and undergoing the above mentioned course shall eligible to apply.
3. Students failing to complete their curriculum within the specified duration of the course (repeaters) shall not be entitled to additional stipend.
4. The portal shall be closed from 21st Nov.2025 and late application will not be entertained.
5. Students & institutions are hereby advised to fill their online application well ahead of the last date to avoid any last minute inconveniences.

(Dr. MERENINLA SENLEM)

Principal Director

Directorate of Health & Family Welfare
Nagaland,Kohima.

JABALI DEVELOPMENT CORPORATION LIMITED

(Under the Monetization Committee, Ao Senso Telungjem, Dimapur - Nagaland)

VACANCY NOTICE

Post: Assistant Manager / Manager - Finance & Operations
 No. of Vacancy : 01
 Location : Dimapur, Nagaland
 Salary : Negotiable

QUALIFICATIONS & EXPERIENCE**Education:**

Bachelor's or Master's degree in Finance, Accounting, Business Administration, or related field.
 (CA / CMA / CS certification preferred.)

Experience:

2-5 years in finance and operations, preferably in real estate, infrastructure, or public companies.
 Experience in startups or early-stage environments will be an advantage.

Skills:

Proficiency in accounting software such as Tally, project management, regulatory compliance, and strong communication and problem-solving abilities.

Other Requirement :

Must be eligible to serve in a Public Limited Company (no disqualification under the Companies Act).

KEY RESPONSIBILITIES

- Oversee accounting, budgeting, and financial reporting.
- Manage tax filings, audits, and compliance with financial regulations.
- Monitor investments, expenditures, and ensure transparency.
- Coordinate early-stage operational activities.
- Manage regulatory filings, board communications, and MCA compliance.
- Lead vendor negotiations and assess risks for infrastructure projects.
- Supervise HR, administration, office management, and procurement.
- Maintain company records, including share registers.
- Act as liaison between the Board of Directors, Advisory Board, and external stakeholders.

APPLICATION DETAILS

Eligible candidates may submit their applications via email to:
 subonenba@gmail.com, imkong75@gmail.com
 Last Date: 18th October 2025
 Written Test & Viva Voce: 20th October 2025
 Contact : 9436013628 / 986247792

Sd/-

(L. Mongkum Jamir)

Convenor, Monetization Committee
 Ao Senso Telungjem, Dimapur - Nagaland

Mulungnen O

Arishir asür **Sentilemzüng Longkümer**, alima nung küm 95 tashi Tsüngremer taochi nung onok nem moatsüba asoshi tulusang Tsüngrem nem tenüngsang agütsür. Pa dak aliba shisatsü aser anepaluba temeim onok nem ngutetdaksüba asoshi chirnur aser semchirseemnur ajaki Tsüngrem dang mulung chia pelateper.



Tsürabur timtema aliba mapang nungi tasü tashi shirnoki onok den sarasadem, shisatsü, rongsen aser nübu agi yariogo, nenok ajak dangi tonga marutetaka iba o lemsapang ajanga nenok ajak den pelaba lemsateper.

Atangji, nenoki temeim tulu sayuba agi onok tasü akhüm ajangdang tasü idakja mangyim tejashi mulungjang nung tesenep nguogo. Nenok mapa tajung onok aser Tsüngrem tsüngdanga senti ta züngshir. Nenok asoshi tsürabur Sentilemzüng Longkümer dak jakzüchirnur aser semchirseemnur temi temoatsü meshia sarasademsür.

Asür Sentilemzüng Longkümer
 Chirnur aser Semchirseemnurtem.

Trump-i achaayanga Cambodia-Thai yimjung yanglutsü: Malaysia FM

Mohamad Hasan

Kuala Lumpur, Mongputeni/ October 14 (Agencies): United States tir Donald Trump-i achaayanga Association of Southeast Asian Nations (ASEAN) summit amenba mapang Cambodia aser Thailand na yimjung yanglutsü, ta Malaysia Foreign Minister Mohamad Hasan-i ashi.

Trump-i Malaysia yimtiba Kuala Lumpur October 26 nü semdanga iba tenangzüktepba yangluba sentong nung shilem agitsü, ta Hasan-i osangbenertem dang ashi.

"Summit mapang, yimjung aser teti atema ceasefire benoktsü asoshi kidanger linük ana tsüngda Kuala Lumpur Accord ta nüngja agütsür sangdong ka nung sign sütepba angutsü imlar," ta pai ashi.

47buba ASEAN Summit ya October 26 nungi 28 tashi Kuala Lumpur nung ametsü renema lir. Iba senden nung Southeast Asian linük 10 nungi tekolaktem aser tanga dialogue partner temi shilem agitsü.

Mongolbarnü iba osang mesangdong tsüngda US-i iba senden nung shilem agitsü magitsü mejangja liasü. Kasaji iba summit amenba sülen

taruba hopta South Korea nung Asia-Pacific Economic Cooperation (APEC) summit akatsü aliba nunga Trump adentsü madentsü mejangjai liasü.


US news outlet Politico-i taoba hopta sangdong ka ajanga ashiba agi, Trump ASEAN nung adentsü madentsüba ya pa teloka ser bloc yagi official ceasefire sentong ka agir magir iba dak keta lir.

Trump-isa, China nunger ketdangsürtem dang iba sentong nung shilem magitsü mepeshia metetdaksüogo, ta Politico-isa metetdaksü. Thailand aser Cambodia na tsüngda ceasefire atema sensaksemba mapang China aser Malaysia narpong lai tongtimbang shilem agiaka Trump-i iba temepeshiba agüja liasü.

July ita linük ana tsüngda anogo pongu raraba tembangdaksüba atema Trump-i tenüng tuluba ka agiogo. Thai-Cambodia arrtsü nung arrtsü shitak atakzüka maliba tesem ka dak sendakba nung linük ana tsüngda mangatettep adokba sülen nisung 43 asü aser nisung 300,000 dak tema pei talidak ki toktsür aotsüsa aküm.

Arrtsü ya 800km (500 miles) dak tema lir aser iba tesem nung tanen makai mangatettep adoka dang alir aser iba ajanga taoba mapanga Cambodia aser Thailand na azütokshia raratepogo.

Ceasefire benoker liaka arrtsü nung mangatettep adoker aliba tesem nung September ita-a maneni lendong atalokogo.

Cameroon opposition candidate Tchiroma-i tir election akok

Issa Tchiroma

Garoua, Mongputeni/ October 14 (Agencies): Cameroon opposition candidate Issa Tchiroma-i Hombarnü pai October 12 nü agiba tir election takok anguba sangdongogo aser tir Paul Biya dang tamakok agizütsü mepeshia liasü.

"Onok takokji tejangja. Iba ya akümsübuttsüla," ta Tchiroma-i Garoua nung o jembiba mapang ashi. "Nüburtemi shimogo, aser iba ya akümsübuttsüla."

Arishi küm 76 tain Tchiroma ya taoba mapang sorkar otongdar aser employment minister liasü. Pai taküm küm tetenzüklen Biya den tokteptsü atema apuso aser nüburtem aikati pa pusemba den opposition party aser lokti tentet balalai pa nongita liasü.

Arishi küm 92 tain Biya ya alima nung tir tambusang lir aser pa küm 43 tashi inyakba sülen tang term tibuba inyaksü merangdar. Rongsenketzüng renloka moi bangdaker aliba ajanga nüburtem temulung masüba mapang ka süaka Biya-i state institution tem aser opposition kar azüoka aliba ajanga election nung pa nem teyari agütsütsü akok, ta ken o asadangertemi imla liasü.

Tchiroma-i ashi, pai yakta result sangdonger alibatem bendena tesem ajak indang vote tallies sangdongtsü. "Iba takok ya nisung ka mesüra party ka takok masü. Iba ya nüburtem ajak takok lir," ta pai ashi.

agizükogo parnok danga kanga pelar," ta Tchiroma-i ashi.

Sorkari tang tashi Tchiroma-i pai election akokba sangdongba ya agizüka mali.

Ajisüaka Minister of Territorial Administration Paul Atanga Nji-i hopta tatemi sangdong ka ajanga, pei mulungka nung result tem sangdongba ya tashioktsüba ka ama agitsü ta tekümdangtsü metetdaksüba den, takoker sangdongtsü atema Constitutional Council dak dang tashi lir ta shisem.

Cameroon indang electoral temzüng ozüng ajanga result tem polling station tem nung sangdongtsü aser post asütsü melar, saka tatembangbuba result ji Constitutional Council-i sangdongtsü, koba October 26 nü tashi nung asütsü.

Tchiroma-i ashiba agi, pai yakta result sangdonger alibatem bendena tesem ajak indang vote tallies sangdongtsü.

"Iba takok ya nisung ka mesüra party ka takok masü. Iba ya nüburtem ajak takok lir," ta pai ashi.

Paisa, military, security forces aser sorkar ketdangsürtem dang yimsüsüba bangdak masü saka republic a t e m a temulunglemteta a l i t s ü ayongzüko.

**NATIONAL EDUCATION SOCIETY FOR TRIBAL STUDENTS (NESTS)**

An autonomous organization under Ministry of Tribal Affairs, Govt. of India
 Gate No. 5, Jeevan Tara Building, Parliament Street, New Delhi-110001

RECRUITMENT OSANG**EKLAVYA MODEL RESIDENTIAL SCHOOLS STAFF SELECTION EXAMINATION (ESSE) - 2025**

Ministry of Tribal Affairs, Govt. of India kübok NESTS-i, linük ajunga nung Eklavya Model Residential Schools (EMRSs) atema tesayur aser non-teaching mapa asoshi online ajanga applications benokba inyakyim tang tagidak lir ta metetdaksüogo. **Apply asütsü atema tatembangbuba anogoji 23.10.2025 (23:50 hrs tashi) asütsü.** **Mapa tazüng alibatem :** Principal (225), PGTs (1460), TGTs (3962), Tetsür Staff Nurse (550), Hostel Warden (Tebur / Tetsür) (635), Accountant (61), JSA (228), Lab Attendant (146).

Osang tejangjaba agitsü atema, www.nests.tribal.gov.in semdangang.

Issued by NESTS

State-Level Under-14 Sepaktakraw championship tenzükogo



Kohima, Mongputeni/October 14 (TYO): Department of Youth Resources and Sports, Nagaland aser All Nagaland Private Schools' Association (ANPSA) na longjemer ayongzükba State Level Catch Them Young Under-14 Sepaktakraw Championship, Ocotber 14 nü Indira Gandhi Stadium Hall B, Kohima nung tenzükogo. Ajak senteper iba

asayamung nung Dimapur, Mokokchung, Peren, Kohima, Mon, Wokha, Longleng, Chumoukedima, Niuland, Phek aser Zunheboto nungi tetsür team 13 aser tebur team 15-i shilem agidar. Alakteta jaoker ama asayamung lapokba sentong nung o jembiba mapang ANPSA tir Nini Sekhose-i, department nem parnok nükla tajung aser iba asayamung

ayongzükba atema tenünsang agütsü aser ashiba agi, iba ya nükla tajung ka aser iba yagi süngjang atang tenzükatokogo. Laisa, Directorate of Youth Resources and Sports den longjemer inyaktetba atema ANPSA kanga pelar aser tang mezüngbuba Nagaland kübok private school temi sempet aketba lanur asayartem sabang ka kübok anidentetogo, ta ashi. Sekhose-isa, school tem

nung Sepaktakraw amala asaya benoktsü merangba indang metetdaksü aser coach aser trainer tem nem parnoki bendanga agüja inyakba atema tenünsang agütsü.

Maneni lai lanur asayartem dang iba maongka ya takokba tashi agütsü ajungshiba den, asaya ya akoktsü atema dang masü saka yimayimpong tajung angazütsü, teamwork aser metoktsü tanen makai inyaktsüba dak sendaka lir, ta ashi

Sentong nungsa Director of Youth Resources and Sports, Kethoshituo Sekhose-i, state kübok tesem balala nungi sempet aketba kaketshirtem

anitetsü nükjidong nung ANPSA den longjemer inyaker, ta ashi.

Director-i ashiba agi, Nagaland nungi Sepaktakraw asayartem 150 shi dang lir, saka parnok national aser international jenjang tonga asaya-a tangari meteta kümdar.

"State nungi asayartem India tenüng nung küm aika asaya arudar aser World Cup akokba linük team nunga densema liasü," ta pai ashi.

Asayamung shibangba sentong ya Bodhbarnü 3 ako nung agütsü aser Advisor for School Education & SCERT Kekhrielhoulie Yhome alakteta jaoker asütsü.

India-i West Indies den Test asayamung kokogo

Mongputeni/October 14, 2025 (Agencies): Delhi nung tanabuba Test asaya pongunübuba India nunger asayartemi mapang mintoki West Indies madak takok ngua Shubman Gill nem captain ama Test nung mezüngbuba asayamung koktsüogo.

Opener KL Rahul-i out mesüi half-century ka yanglu aser India team-i iba asaya ya wicket tenet agi koka liasü.

Iba asayamung akokba sülen India team World Test Championship (WTC) rankings nung Australia aser Sri Lanka na sülen tasembuba nung lir.

Asaya mezüngbuba innings nung Yashasvi Jaiswal (175) aser Gill (129*) nati century yanglua asayaba ajanga team jenjang kanga junga kümdaktsü.

Tanabuba innings nung West Indies puri run 248 dang yanglur asayar ajak out süatok saka India tanaben bat südaktsütsüsa

asayateta liasü.

John Campbell aser Shai Hope nati century kaka yanglua WI puri asaya 3 out sür run 271 yanglu, saka iba sülen Siraj-i Hope out sütsü aser middle order temi junga masayateti ajak out süma liasü.

Parnoki run 40 dang yanglur asaya trok out süa liasü, saka number 11 Jayden Seales-i run tera yanglua team jenjang tera junga kümdaktsü.

Ajisüaka Rahul aser Sai Sudharsan (39) na senteper run 79 yanglua team takok dangi ani. Sudharsan-i mezüngbuba innings nunga run 87 yanglua liasü.

India team taruba asaya Australia nung oa white-ball asayamung ka asayatsü lir, koba BBC Radio 5 Sports Extra nung sayutsü. Iba sülen parnok South Africa den test ana asayatsü.

West Indies pura November 5 nü nungi tenzuka New Zealand nung oa asayatsü.

DBC annual sports week tenzükogo



Dimapur, Mongputeni/October 14 (TYO): Discipleship Bible College (DBC) Annual Sports Week 2025, October 14 nü 9 ako nung tenzükogo. Iba asayamung ya "One Body, Many Talents," nung ajemdaker kaketshirtem aser faculty temi kanga jangrabangra mungdar.

Asayamung lapokba sentong nung Principal Dr Bendangjungshi-i, lokti pela agizük aser iba sülen sobakliba tsünsang ka saya, linük ken Vande Mataram aten aser kaketshirtemi ken aser tsünsang balala ajanga shilem agia liasü.

Sentong nung Brigadier Mayank Singh Jamwal, Commander of the 6 Sector Assam Rifles tongti tejaoker liasü aser pai asayamung omen dak ajemdaker sentong nung shilem agirtem ajungmeso. Kaketshirtem lenla ajak nung renloka yoktsü atema college bendanga agütsür aliba iba sentong ajanga tali jangja sayur.

MLA & Advisor H. Sethrongkyu Sangtam-i XXVII MDFA Trophy 2025 tenzüktsüogo

Mokokchung, Mongputeni/October 14 (TYO): 14th Oct, 2025 nü MLA & Advisor Information Technology & Communication, Economics & Statistics, Evaluation, H. Sethrongkyu Sangtam-i XXVII buba MDFA Trophy yangi Imkongmeren Sports Complex, Mokokchung nung meraketa tenzüktsüogo.

Asayamung tenzuka Pool 'A' nungi yaküm champion Konyak Students' Union Mokokchung (KSUM) aser Sports Society Soyim (SSS) na asayaba, SSS-i goal 1-0 agi KSUM madak takok angu. Iba takok goal kaji SSS nungi Jersey No. 11, Chubalemba-i 2nd half asayadang minute 57 nung idaktsü.

Mezüng asaya tesadang tashibo nung telok shingai goal magütsüteni kasasa nung asaya tembang. Asayartem anisüngzük agir külen, khenpika dang lirbo, SSS nungi Temjenlemba-i D-Box telung nungi goal kaji metsüoktsü. KSUM-ia goal kaji küpzüktsü kanga meranga asaya aser

parnokia goal tsütsülen (goal on target) pezüben tashi merandang, saka tia majung meyidaktsüet.

Iba asaya nung telok anapronglai corner asemben (3 each) metsütsü maongka angu. Iba asaya nung Sashimeren Main Referee liasü, Perong aser Temjenwapang na Assistant Referee aser Repamangyang fourth official liasü. Tanü SSS-i yaküm champion KSUM pur akokbaji takok tulu lir.

MLA & Advisor, H. Sethrongkyu Sangtam-i iba asayamung lapokja jembidang, Tsüngrem-i Naga nunger nem asaya balala asayatsü sempet agüja lir, anungji, takok angutsü aser tangar menepa asayatsü asoshi item sempetji kanga junga meyushiba den tazüokba nung nentaka aser bendanga asayatsü asoshi tayongzükba agütsü.

Oct 15 (Bodbar) nü mezüng asaya Pool 'B' nungi Telongjem FC vs Super Seniors FC na nikong 1:00 ako nungi tenzuka saitsü aser tanabuba asayaji Pool 'C' nungi Thunder Bold FC



vs N.U Lumami na nikong 2:30 ako nungi asayatsü.

Taküm iba asayamung shibai bendir champion nem senpet trophy den kulikaket aser sen 200000/- (2 lakh), tanabuba nem trophy, kulikaket den sen 100000/- (1 lakh) aser semi-final nung tsüker ana nem meyi metsür pungu-ngu (25,000/- each) senpettsütsü. Iba den jurila senpet - Best Goalkeeper, Best Defender, Highest Scorer, aser Player of the Tournament

ta shima senpettsütsü, ta tayongertemi metetdaksüogo.

Taküm iba asayamung nung telok 11 - KSUM, SSS, Team Gilgal, Telongjem FC, Super Seniors FC, Intermingle Club, Thunder Bold FC, N.U Lumami, Doyang Strikers Mokokchung,

Changers FC aser Sangpang SC nungertemi shilem agütsü. 19th Oct tashi League Match asayatsü, 20th & 21st Oct nung Quarter Final, 22nd & 23rd Oct nung Semi Final match aser 25th Oct nü final match asayatsü sentong renemer adoka lir.

BILEMDANGANG

"Bendanga agütsüba tesayur kaji putir meyi ka dang tajungba"